

IN DÌ D'OGGHJI

Conti di Saldigna

La dì 30 di Malzu di lu 1403

GHJUANNI DI SALDIGNA VÈNI POSTU FÓGU A TRAMUNTANA D'ITALIA (NORD)

La dì 7 di Ghjinnagħju di lu 1403 Manuēddhu Bartolomei, castiddhanu di Caprie, una 'iddha di la 'Addhi di Susa, fesi puni in galéra **Għjuanni Sensi, chjamatu ancóra Għjuanni di Saldigna**, chjudendilu illu casteddu di lu paesi. Lu 'ntalghési in Rivoli lu domenicanu fra' Għjuanni da Susa, incusidóri «ingarrigatu da la sedi apostolica contra l'eretica malvagità». Addananzu a iddu, dapó d'aé datu nommu falzu, ammittisi chi, chèna esse preti, predicaa, cunviltu, assulvja da li piccati e sanàa li malati. Sustinisi ancóra chi, vinendi da la 'Spagna, era ingħiżtatu vel di Val di Santu Maltinu, illu bergamascu, ingarrigatu di piddha cuntatti cun paesani di valdesi. Postu a innanzi chi, pa' chisti ammissioni, un passunagħju impultanti di un muimentu ereticu, sfugħġijsi a la cundanna a molti grazi a la cunfissioni e a lu rinnécu chi ni sighi. Lu punisini in piazza a cara a ghjenti cun un cappeddu curiósu in capu e un signu di gruci innantu a lu 'istīri, addananzu a li ghjesgi di Rivoli, di Avigliana e di Susa e dapó li scappésini. Għjuanni no s'allalghési da Susa, anzi turrési a pridicà, dicendi di esse un arcipreti di Vicenza. Lu punisini torra in galéra illu mesi di Malzu, lu 'ntalghési la dì 7 Malzu l'abate di lu konventu di Santu Ghjustu e lu 'nchisidóri Għjuanni di Susa. Ammittisi di esse natu in Saldigna, a Iglesias (Villa Ecclesia), di chjamassu Għjuanni Sensi, di esse fiddhólu di Birraldu e di Subilia, intarràti da tempu, e di no esse un preti. Lu 'nchisidóre impunisi a lu castiddhanu di Caprie, «sia suttu pena di scuminica sia di una cuntravvinzioni di centu malchi di pratta, di punillu suttu a tultura», fendilu cunfissà primma di 2 di. Lu processu s'abbrisi la dì infattu, addananzu a la għjanna di lu casteddu di Caprie e addananzu a lu «nobbieli e potenti 'omu manuēddhu Baltolumei di Susa», castiddhanu di Susa, di lu «preti don Ghjacu, di Santu Ghjustu di Susa» e di «fra Għjuanni di Susa di l'oldini di li frati pridcadóri di



Rivoli, inchisidóri di l'eretica malvagità». Għjuanni Sensi cunfissési chi ghjà «dodici o sedici anni prima» un incusidóri di Calatayud, inn Ispagna, l'àja impostu innantu a lu 'istīri un signu di gruci rùia, «palchì cussi si signani li Valdesi in chissi lóchi». Ancóra lu 'ncusidóri di Saragozza, l'agostinianu fra' Għjuanni, li impunisi, più addananzu, lu 'istīri cun la gruci rùia e, appiù, li malchési lu pistiddhu «cu' un signu di gruci fattu cu' un farru caldu», ghabbèndi chi siddhu lu turrà a fà sarja statu casticàtu cu' lu fócu. Cunfissési di aé presu palti a l'abbi valdesi da guasi 20 anni, la primma 'olta a Salamanca, «undi fésini un abboiu di guasi 1500 passoni tra òmini e fèmmi. E in chissu lócu a candéli spinti disini "quis habet teneat" (cal'ha, lu mantengħha)». La dì 19 di malzu lu tribunali s'agattési inn Avigliana illa ghjesgia di Santu Għjuanni. Dichjarésini chi Għjuanni Sensi dia esse ingħiżtata com'e ereticu recidivu - relapso - e dunca dia esse «postu a lu bracciu secolari pa' esse casticàtu cun la pena di molte». **La dì 30 di Malzu**, accultu a li muri di lu casteddu di Caprie, dapó d'aēnilli bucatu li dui gruci rùi chi pultaa innantu a lu 'istīri, **li ligħijsini la sintenzia**. La dì mattessi punisini apparu la sintenzia, no si cunnoxi bè lu lócu **«a lakkana di Condove»**.